

lis Gnovis

■ BRUSSEL. Protezi e valorizâ lis lenghis regionâls

Miguel Angel Sureda des Isulis Balears e Triona Na Mhathuna de Irlanda a son il gnûf president e la sotpresidente gnove di «Npld». L'assemblee dal «Network» europeu pe promozion des diversitâts linguistiche che ju à votâts e je stade fate a Brussel, ai 18 di Mai. In chê di, si à ançe discorût di trop e cemût protezi e valorizâ chês 60 lenghis regionâls che un 40, 50 milions di citadins europeus a àn par marilenghe. «Npld» al opere massimementri par otignî l'adozion di leçs ch'a pupilin i dirits linguistiche, par favorî il sgambi des buinis praticis e des informazions dai esperts dal setôr e par sensibilizâ l'Union su la necessitât di prudelâ chestis iniziavivis. Lis Comunitâts furlane, slovene e todesche dal Friûl a jerin rapresentadis dal president dal Consei regionâl, Piero Mauro Zanin, stant che dal 2014 la Regjon Friûl-V. J. e je dentri tal «Network» europeu.

■ GURIZE. Un sucès fûr dal ordenari

La «Setemane de Culture furlane» dal 2022 e je stade chê de partence gnove, daspò da la pandemie. Dai 5 ai 15 di Mai, la «Società Filologjiche Furlane» e à proponût 192 apontaments di ogni fate sul teritori e indaûr cul public, in grazie de colaborazion di 58 Cumons, mantignint anche la forme «in re t» (www.setemane.it). Lis plateformis informatichis a n bielzà regjistra t 17 mil visualizazions. «Il grant lavo r ch'o vin fat in chescj me s, cu la partecipazion di cetancj studios, passionats e istituzions, al à sta t premia t cuntun suce s che dal sigu r al passe ce che si spietavisi», al à comentât il president, Federico Vicario. In mût speciâl, la «Setemane» e à ricurdât Elio Bartolini, Marco Davanzo, Ermes di Colore t, Luigi Garzoni, Vincenzo Manzini, Pieri Pauli Pasolini, Giulio Andrea Pirona, pre' Gilberto Pressacco, Riedo Puppo e Renzo Valente.

■ UDIN. Ricerche e istruzion in Academie

Un gnûf program televisif par furlan al è daûr a presentâ lis ecelencis de Universitât dal Friûl. Al à stât batiât «Snait. Ricerche e istruzion in Academie» e al è curât de «Associazione Lenghis dal Drâc», in grazie de colaborazion fra il regjist Marco D'Agostini e il Centri interdipartimentâl pal svilup de lenghe e de culture dal Friûl, «Cirf». «Snait» al è un formât televisif che, in plui pontadis e cuntun stîl divulgatîf, al conte ce che s'intint cuant che si fevele di ricerce intai diviers setôrs scientificis e umanistics universitaris. La trasmission mensil si podarà cjalâle par « RaiTre Bis» (canâl 810).

■ UDIN. Patrimoni culturâl e identitât

La Sorintendence regionâl Archeologjic, Bielis arts e Paisas, in prevision des «Zornadis europeanis dal Patrimoni» dai 24 e dai 25 di Setembar cu ven, e à imaneât un concurs par videos curts e curtmetrac s, tescj, imagjins, produzionis musicals e cjants par contâ «il patrimoni cultura l dal Friû l e di Triest viodu t cui voi di cui ch'al a scomenc a t la so vite difu r dai confins talians e che cumo al vi f chi», valorizant l'osservazion dal patrimoni cultura l «tant che incuintri e esperienc che va a componi la nestre identita t persona l». Cui ch'al intint di concori al varâ di mandâ une letare eletroniche dentri dai 20 di Jugn a lis direzions sabap-fvg@beniculturali.it o mbac-sabap-fvg@mailcert.beniculturali.it, cul modul di adesion. Par informazions: 0432 504559 - morena.maresia@beniculturali.it.

Mercus 1 S. Justin martar Monsante

Joibe 2 S. ts Marcellin e Pieri

Vinars 3 S. Carli Lwanga e c.

Sabide 4 S. Quarin

Domenie 5 Lis Pentecostis

Lunis 6 B. Beltram di Aquilee

Martars 7 S. Norbert vescul

Il timp Cjalt e cualchi temporâl



Il soreli
Ai 1 al jeve aes 5.20
e al va a mont aes 20.51.



La lune
Ai 7 Prin cuart.

Il proverbi
Sarà ce che Diu al vûl, no ce che il diaul al pense.
Lis voris dal mès
Par fâ cressi bel lis plantis tal nestri ort
si scuèn daûr tante aghe. Semenait pomodoros,
salatis, vuainis, selino.

Robis gnovis pal XXI secul

Capî lis sfidis resintis e screâ procès cu la Dutrine sociâl

«**D**utis lis personis interessadis a capî lis disfidis dal di di vuê, inlumina-dis dal insegnament sociâl de Glesie» a puedin gjavâ costrut dai imprescj cumbinâts dal Centri de Universitât Catoliche dal «Sacro Cuore» di Milan pe Dutrine sociâl da la Glesie.

Par meti in zornade la viere edizion dal 2004, il Centri al à començât la publicazion dal «Dizionario di dottrina sociale della Chiesa. Le cose nuove del XXI secolo», ch'al salte fûr in forme di riviste trimestrâl «online», in grazie dal editôr universitari «Vita e Pensiero».

La publicazion, che il cuint numar al è jessût cu l'edizion Zenâr-Març, e jentre tun proget ancjemò plui ambizionôs, ch'al propon un «portâl web» cun acès libar, dulà ch'a son publicadis, di man in man ch'a vegnin dadis dongje, lis «vôs» dal Dizionario (www.dizionariodottrinasociale.it).

La plui part dai autôrs de vore interdissiplinâr a son studiâts de Universitât catoliche taliane e professors de rê «Sacru» (al ven a stâi de alianca strategjiche des Universitâts catoliche «Strategic Alliance of Cat-



L'arbul ch'al rapresente il «Dizionario di Dottrina sociale della Chiesa» de Universitât Catoliche

I progetts dal Centri de Universitât Catoliche di Milan pe Dutrine sociâl de Glesie

holic Universities»), impegnâts te ricerce e tal insegnament des cuistions ch'a frontin pal proget.

«Cetantis a son lis «robis gnovis» in chest cricâ dal XXI secul – a scrivin i curadôrs te presentazion dal Dizionario, rivocant il sproc di Mt 13,52 –: scuvieris scientificis e difusion di tecnologjiiis gnovis; formis gnovis di comunicazion e d'interazion umane; atôrs gnûfs e gno-

vis disfidis pe coabitazion globâl. O rifletin, in specialitât, su la spropositade cuistion ambientâl – a rionzin te jentrade –, su l'esperien-ce de pandemie, su lis dinamichis demografichis, su l'incressite de disparitât dentri e jenfri lis Nazions, sui conflits gnûfs ch'a son daûr a vigni a flôr, sul ûs dai «big data», sui intops de inteligence artificiali su la vite cuotidiane des personis e des Comunitâts...».

In spiete de riviste pal trimestri Avrîl-Jugn, la tabele dal V volum e pant lis grandis areis tematichis profundidissimolte volte par volte: Ambient; Puaretât e Disparitâts; Svilup uman integrâl; Relazions; Politichis e Istituzions; Sciencis e Tecnologjiiis; Avignî dal Lavôr; Economie e Finance; Mieçs di comunicazion.

«O vin gust di pensâ che, cun cheste siele operative – a scrivin i redatôrs –, o fasin la part dal nestri dovê par screâ procès dinamici (di dialic e di comunicazion, ma anche di contaminazion, di germinazion e di gjenerazion) e no dome par jemplâ spazis (completant, in mût ordenari, un dissen static e za defînit). Sielzi la strade di ativâ procès al vûl di no vè pôre d'intopâsi in alc che no si spietavisi, includint robis gnovis e valorizant al ultin grât il dialic fra ricerce scientifiche e Magjisteri de Glesie».

Mario Zili

Trê «Webinar» par lei lis trasformazions de societât

Vie pal mès di Jugn, e partis un'ocasion gnove di dibatiment e di confront su lis grandis trasformazions de societât taliane, inmaneade dal Centri de Universitât Catoliche pe Dutrine sociâl da la Glesie e dal Istitut Toniolo. A saran proponûts 3 «Webinar» par profundî, midiant dai contignûts dal «Dizionario di dottrina sociale della Chiesa» e dal «Osservatorio Giovani», lis cuistions: «Lavôr e tecnologjic», «Ambient» e «Svilup uman integrâl». L'iniziativa e je proferide tai lûcs internet: www.istitutotoniolo.it e www.unicatt.it/dottrinasociale.



Messe in marilenghe

A Udin, la Messe par furlan e ven cjantade ogni sabide, a 5 e mieze soresere (17.30), li de capele de «Puritât», daprûf dal domo. Sabide ai 4 di Jugn al cjantarà messe pre D. Volpe. Radio Spazio e trasmet sul moment, ogni setemane, dute la celebrazion.

Tradizions furlanis dal mès par cure di Mario Martinis

I PROVERBIS DAL MÈS DI JUGN

Jugn al è il sest mès dal an e cussì la grande ruede dal timp e je rivade tal mieç dal so zir. In Jugn il coltivarôr al è une vore impegnât tes tantis voris de tiere (seselâ il forment, srari la blasve, falcetâ, lavôrs tal ort, tal vignâl e vie indevant); ma ae intensitât dal lavôr e de fadie cumò si zonte la menace de variabilitât dal andament meteorologjic. Plui di simpri a preocupin lis condizions dal timp che di un moment a chel altri al po ruvinâ la interie anade agrarie. Secont la tradizion empiriche furlane la meteorologie e ven condizionade propit dal solstizi, vâl a di dal so cambi di rote tal firmament. Chest al po discjadenâ i prins violents burlaqs de astât, montanis, burascjiiis, tampieste o il prin sut, culi par solit segnâts des fiestis liturgjichis di Sant Zuan e di Sant Pieri. In Jugn i paisaqs a ufrissin un spettacul di dute plenece; i prâts a son florîts e profumâts, parmîs dai fossâi a sflorissin i zis e lis calis, tai zardins iris e spadis e sui sierais des cjasis vecjis di clap si rimpinin i rosârs che nulissin di bon odôr. Chês di Jugn a son lis zornadis plui lungjis dal an, cuant che si pues lavorâ fin a sere tarde e po intratignîsi fûr



di cjase, une volte cu la int dal borc, in di di vuê tai lûcs di divertiment. Lis gnots a son curtis, claris, tividinis e puntinadis di tantis lusignis (moscjis di Sant Zuan).

Come par ducj i mès dal an, cu la lôr sapiencie, i proverbis a marchin anche lis carateristichis di Jugn:

- Ai prins di jugn, la sesule tal pugn
- Frescure di jugn, il rap in cuar e la ruvine dal mulinâr
- Alt o bas il fen, in Jugn seâlû si scuèn
- A Sant Barnabà (11-VI) l'ûe in flôr e va
- Se al plûf il di di San Barnabà, l'ûe sigûr che va

A Sant Vît (15-VI), la cjariese e va a marît

- A Sant Zuan (24-VI), il sorc al tapone il cjan
- A Sant Zuan, vin e pan
- Sant Zuan cu la panole in man
- Il timp che al cor a Sant Zuan, al cor dut l'an
- A Sant Pieri (29-VI), il sorc al tapone il puieri
- Sant Pieri, Sante Ane, Sant Zuan e Sant Laurinç: tons, saetis e ploie cul buinç.